

## 11. gr.

Fyrir notkun bráðabirgðaskráningarmarkis ber að greiða 1 800,00 kr. á ári. Nú leyfir lögreglustjóri notkun bráðabirgðaskráningarmarkis í styttri tíma og greiðir eigandi ökutækis þá fyrir notkun og ábyrgðartryggingu 125,00 kr. fyrir hvern dag eða hluta úr degi er hann hefur bráðabirgðaskráningarmarki í sínum vörslum. Gjaldið greiðist fyrirfram miðað við áætlaðan notkunartíma.

**III. Gjöld samkvæmt lögum um skotvopn, sprengiefni og skotelda,  
nr. 46 13.mai 1977.**

## 12. gr.

	Kr.
Fyrir skotvopnaleyfi skal greiða sem hér segir:	
1. Fyrir hvert skotvopn, sem skráð er, hvort sem það er nýtt eða notað . . . . .	250,00
2. Fyrir endurnýjun á skotvopnaleyfi, án tillits til fjölda skotvopna . . . . .	125,00
3. Fyrir afnotaleyfi samkvæmt 19. gr. reglugerðar um skotvopn og skotfæri, nr. 16 1978, sbr. reglugerð nr. 174 1979 . . . . .	80,00

Gjaldfrjáls eru leyfi fyrir skotvopnum, sem varanlega hafa verið gerð ónothæf og leyfi samkvæmt 3. málsg. 8. gr. reglugerðar nr. 16 1978.

## 13. gr.

Gjöld samkvæmt reglugerð þessari renna í ríkissjóð.

## 14. gr.

Reglugerð þessi öðlast gildi 1. janúar 1985.

Jafnframt fellur úr gildi reglugerð nr. 802 28. desember 1983 um dómsmálagjöld o. fl.

*Dóms- og kirkjumálaráðuneytið, 20. desember 1984.*

**Jón Helgason.**

Ólafur W. Stefánsson.

## AUGLÝSING

### um staðfestingu á aðalskipulagi Sauðárkróks.

Samkvæmt skipulagslögum nr. 19 21. maí 1964 hefur ráðuneytið hinn 30. nóvember 1984 staðfest uppdrátt af aðalskipulagi Sauðárkróks.

Uppdráttur þessi hefur hlotið þá meðferð sem lög nr. 19/1964 gera ráð fyrir og verið samþykktur af bæjarstjórn Sauðárkróks og Skipulagsstjórn ríkisins.

*Félagsmálaráðuneytið, 30. nóvember 1984.*

F. h. r.

**Hallgrímur Dalberg.**

Hólmfríður Snæbjörnsdóttir.